

奩

史

舊史卷六十八

東吳王初桐子陽

陽

長洲宋思仁汝和校刊

釵鈿門一

首飾

舜時婦人始作首飾

二儀寶錄

洗氏討定嶺南封譙國夫人皇后賜以首飾

嶺表錄異

皇后首飾大小華十二樹以象袞冕之旒

唐書車服志

北漢英武帝後宮多內寵鴻臚卿劉繼獻首飾數百

副十國春秋

有身卷之六
后妃首飾花九株小花同 宋史輿服志

靖康初婦人首飾皆備四時如節物則春旛燈球競
渡艾虎雲月之類皆併爲一景謂之一年景而靖康
紀元果止一年蓋服妖也 老學菴筆記

楊誠齋夫人羅氏平居首飾止于銀 鶴林玉露

命婦首飾一品至三品許用金珠寶玉四品五品用
金玉真珠六品以下用金 元典章

后妃首飾用金玉珠寶翡翠命婦首飾金玉珠翠至
金鑲銀以差士庶妻首飾用銀鑲金 明會典

正統中賜韃靼可汗妃金銀寶石首飾叭刺母妃鑲

金銀首飾六十副副各九事

賞賚考

嘉靖中朱寧有金首飾五百一十一箱

震澤長語

張江陵母入京上與仁聖太后慈聖太后各賜金嵌

寶首飾一副

弇山堂別集

趙選侍與客氏逆賢不合矯旨逼殺之選侍以光廟

所賜金珠首飾羅置案上西向遙拜從容投繯

酌中志畧

翠鳥翹尾可作首飾

正字通

魚狗毛色翠碧可飾女人首飾

本草綱目

金龜蟲色如赤金乾之可爲婦人首飾

粵西偶記

十二蟲視之無定色女人取以爲首飾

博物志

紅豆色勝珊瑚粵中閨閣多雜珠翠以飾首厭厭

潘樓街賣何雙頭面冠梳領抹之類東京夢華錄

古者女子榛木爲笄以約髮居喪以桑木爲笄皆長

尺有二寸沿至夏后以銅爲笄中華古今注

女子雖幼嫁則必笄禮曰笄而字燕周法訓

趙襄子欲取代乃先善之代君好色請以其妹妻之

代君許諾妹已往襄子謁代君而觴之先具大金斗

酒酣反斗擊之腦塗地因以代君之車迎其妻其妻

道聞之磨笄自刺故至今有刺笄之山春秋後語

女媧之女以荆枝及竹爲笄以貫髮至堯時以銅爲

之且橫貫焉此釵之始也

二儀寶錄

釵者古笄之遺象也

中華古今注

燕昭王賜旋娟以金梁邾月之釵

女紅餘志

半陽泉世傳織女送董子經此董子飲此水曰寒織女因祝水令暖又曰熱乃拔六英寶釵祝而畫之於是半寒半熱相和與飲

三餘帖

秦嘉與婦徐淑書曰今致寶釵一隻價值千金可以

曜首徐荅曰未奉光儀則寶釵不設

太平御覽

徐淑荅秦嘉詩寶釵可曜首明鏡可鑑形

玉臺新詠

煬帝遊雷塘宮人多從故時耕出寶釵

廣度志

南海女子以金銀爲大釵叩銅鼓因名銅鼓釵

廣州記

程明道未能言時叔母抱之遊戲不覺墮釵數日乃覺尋不獲明道以手指示叔母抱隨所指尋之卽獲

山堂肆考

婦人釵夜墮履中者外夫殺之

神仙占

劉後溪晨坐暖閣夫人方梳沐有士人來訪公令夫人出閣迎士人進夫人遂挈沐具偶遺金釵一公適起入內夫人從牕隙中見士人拾取遺釵入懷未穩公將出夫人掣公衣袖止之少頃公乃出客退問其故夫人曰偶遺小釵彼方收拾未穩貧士得之可少

濟不欲遽恐之 瑞桂堂暇錄

蕭維斗出遇一婦人失釵道旁疑蕭拾之謂曰殊無
他人獨公居後耳蕭令隨至門取家釵以償其婦後
得所遺釵媿謝之 少墟集

王元凱有三姬弄釵圖 金室集

皇太子納妃有金環釵 東宮舊事

婦人六品以上得服金釵以蔽髻 晉令

石崇愛婢朝風縈金爲鳳冠之釵 拾遺記

秦始皇三年以皇后六宮金釵千枝班賜將士 宋書

齊周盤龍伐魏有功高帝造金釵鐸十二枚與其愛

妾杜氏手勅云餉周公阿杜

南史

陳後主遺宮女造金釵兩臂垂曲

隋書樂志

元宗勅楊氏爲貴妃是夕授金釵鈿合

太真外傳

元宗追念貴妃不已適有道士自言能致其神遂令

竭其術以索之不至又能遊神馭氣出天沒地以求

之又不見又旁求四虛上下乃跨蓬壺見最高仙山

上多樓閣洎至西廂下有洞戶東向闔署曰玉妃太

真院方士抽簪扣扉有碧衣侍女詰所從來方士告

之碧衣延入見一人冠金蓮帔紫綃珮紅玉曳鳳鳥

左右侍者七八人揖方士問皇帝安否遂指碧衣取

金釵鈿合各折其半授使者曰爲謝太上皇謹獻是物尋舊好也方士復前跪致詞乞當時一事不聞於他人者驗之太上皇玉妃若有所思徐而言曰昔天寶十年侍輦避暑驪山宮秋七月牽牛織女相見之夕夜半獨侍上上憑肩而立因感牛女事密相誓心願世世爲夫婦言畢執手各嗚咽此獨君王知之耳使者還奏元宗嗟悼久之

陳鴻長恨歌傳

歐文忠爲推官親一妓一日先文僖宴客歐與妓俱不至移時方來公責妓妓曰睡覺失金釵猶未見公曰若得歐推官一詞當償汝歐卽席賦詞云涼波不

動簾紋平水精雙枕傍有墜釵橫坐皆稱善遂命妓
滿酌賞飲而令公庫償釵

錢氏私志

李及知泰州有禁卒白晝攫婦人金釵于市亟命斬
之

宋史

費季客賈去家臨行就婦求金釵婦與之季置之戶
楣上忘向婦說後其妻夢見季死前金釵在戶上妻
取得發哀一年季却還

聞奇錄

昔有遠行者欲觀其妻衣已厚薄取金釵藏之壁中
忘以語之既行妻聞空中有聲真其夫也云吾已死
以爲不信金釵在某處妻取得之遂服喪其後夫歸

妻乃反以爲鬼也

仇池筆記

韋夫人聞宋后死以金釵令作佛事追薦

竊憤錄

高宗南渡江津舟人乘時射利停橈水中每渡一人
必須金一兩時葉宗諤逃難至江泚而實不攜一錢
彷徨無措忽覩婦人美而艷語葉云妾亦欲渡江有
金釵二隻各直一兩宜濟二人而涉水非女子所習
公幸負我以趨葉從之且舉二釵以示篙師首肯令
前婦人伏於葉之背而行甫扣船舷失手婦人墮水
而沒葉獨得逃生後直龍圖閣其家影堂中設位云
揚子江頭無姓名婦人

揮塵後錄

皇后謁家廟後以金釵散付親屬宅眷

武林舊事

戴厚甫之母寢起樓上一夕忽見紅光貫室開眸視之乃一美女獨立榻前援金釵以遺母既而無所見母以語戴答曰此遁甲神也

壺史

崑山縣東三十里地名黃姑有織女廟今隸嘉定昔織女牽牛二星七夕降神其地織女以金釵劃水水溢遂稱百沸河立廟水上

豐草菴集

中興紀聞作金范

丹徒縣主簿以酒檄往湖州差二吏徐璋蔡禎偕驅使既至休於郊外之觀音院僧室室之隣有小房高鎖頗密二吏竊窺之有畫女子像甚美張於壁下設

供養之屬二人私自謂曰吾曹逆旅得有若彼者來
爲一笑何幸偶詢院中僧云郡人張今爲象山令此
其長女死殯房中地下畫其像歲時祀之也是夕蔡
禪寐未熟忽見女子褰幃而入謂禪曰若嘗有意屬
我故來奉子周旋幸毋以語人且勿疑懼禪欣然領
其意自此與璋異榻每夕卽至相與甚驩如此者踰
月主簿以行囊罄竭令禪先歸是夜婦人來語禪曰
吾有金釵遺子可貨之足以少濟幸無歸也言已於
髻間取以授之禪詣鋪中售之得錢萬六千以歸給
謂璋曰我適入城遇鄉人惠然見假勿須言歸也璋

不信且聞禪夜若女子與竊語他時事露恐相累由
此每夕伺之一日天欲曉果見婦人下自禪榻璋急
向前掩之仆於地若初死狀衣冠儼然二吏大驚急
以告主簿屬寺僧謹視之拘係二吏於獄詰問並無
異詞遂移牒象山令令其家人共發棺視之已空矣
及往舖中索其金釵驗之誠張時所帶也 投轄錄

孫鄘行次襄江拾得金釵一雙維舟待之迨暮一女
奴號眺而至鄘驗實還之女奴曰荷蒙保生願失身
以報鄘悍然躍去 積善錄

桃墩吳充慕有人發其石槨見其兩夫人朱氏戴氏

金釵及纏僭之屬光焰猶新

蘇軾

趙姑及笄未字削父於田渴而飲於溪久不返父呼
覓不得惟見飲處插金釵一股夜見夢于父曰兒爲
龍攝去已成禮不能生還矣

秋燈叢話

出意桃髮一尺長金爲細烏簇釵梁

海錄碎事

元稹喪妻韋蕙業作遺恨詩有云泥他沽酒拔金釵

元氏長慶集

王建宮詞衆中遺却金釵子拾得從他要贖麼

唐人詩多用金釵十二事白香山酬牛思黯詩金釵
十二行十二行或言六鬢耳齊肩比立爲釵十二行

白詩自注思黯之伎頗多故云似協或者之說然梁武帝河中之水歌云洛陽女兒名莫愁頭上金釵十二行是以一人帶十二釵也野客叢書

古樂府咏莫愁云頭上金釵十二行後人多誤爲金釵者十二行不知一人插十二行金釵也摘簡贅筆

趙后抽紫玉九難釵爲昭儀晉書飛燕外傳

漢獻帝爲李傕所敗傷趾伏后剖玉釵以覆之剝應手而愈拾遺記

辛延年詠胡姬云頭上藍田玉謂玉釵也玉臺清照

王涯居相位竇氏女歸請曰玉工貨一釵直七十萬

錢王曰釵直若此乃妖物也女不敢復言數月女自
婚姻會歸告父曰前時釵爲外郎馮球妻首飾矣王
曰馮爲郎吏妻之首飾如是其能以乎 郝玘家訓

李益與霍小玉相從二歲誓以偕老後因赴任訣別
訂期相迎到任後求假還家太夫人爲聘表妹盧氏
遂負玉前盟玉自生逾期不至廣爲賂遺尋求消息
遂使資用屢空私令侍婢浣沙將紫玉釵一隻詣西
市貨之路逢內作老玉工見而認之曰此釵乃霍王
小女將欲上鬟時令我作也浣沙曰我小娘子卽霍
王女也家事破散失身於人夫婿久向東都不回令

我賣此賂遺於人使求音信玉工悽然下泣遂引浣沙至延先公主宅具言前事公主亦悲嘆良久給錢十二萬焉

霍小玉傳

李宸妃莊重寡言真宗以爲司寢既有娠從帝臨砌瑩玉釵墜妃惡之帝心卜釵完當爲男子左右取以進釵果不毀帝甚喜已而生仁宗

宋史

馬湘蘭理鬢墜一寶釵徐語侍兒曰久不開碎玉聲矣

彈指詞注

司馬相如美人賦玉釵挂臣冠羅袖拂臣衣

文園集

吳均楚妃曲玉釵照繡領金薄厠紅羅

吳朝請集

李元膺憶粧云釵梁水玉刻蛟螭

墨莊漫錄

薛夜來入宮極被寵愛外國獻火珠龍鬘之釵帝曰明珠翡翠尚不能勝况乎龍鬘之重

拾遺記

崔瓊著三珠釵箴

北堂書抄

舜作玳瑁釵

物原

舜加女人首飾作釵雜以牙瑋瑁爲之

粧臺記

周敬王令宮人以玳瑁爲釵

中華古今注

貴人助蠶戴瑋瑁釵

續漢書輿服志

魏文帝遣使於吳求玳瑁三點釵

江表傳

后服有瑋瑁釵三十隻

晉山陵故事

繁欽定情詩何以慰別離耳後璚瑁釵

詩紀

東昏侯嘗爲潘妃市琥珀釵直百七十萬

小名錄

隋宮人插翡翠釵子

古今注

竟陵掾劉諷夜投空館有三女郎至歌曰明月清風
良宵會同星河易翻歡娛不終綠尊翠杓爲君斟酌
今夕不飲何時歡樂忽有黃衣人曰婆提王屈娘子
速來女郎皆起明日拾得翠釵數隻

幽怪錄

宋玉諷賦主人女以其翡翠之釵挂臣冠纓

古文苑

溫庭筠有瑟瑟釵詩

溫飛卿詩集

蔣潛見一屍頭上著通天犀纒拔取之後落豫章王

處王薨後內人江夫人遂斷以爲釵每夜輒見一小兒繞床啼叫云何爲見屠割必訴天當相報江夫人惡之月餘乃亡

嘉話錄

黃香九宮賦刻駭雜以爲釵

太平御覽

梁元帝妾宏夜珠有合心花釵

續補侍兒小名錄

太宗賜高昌妻宇文氏花釵一具宇文氏貢玉盤

唐書

皇妃冠有花釵九樹小花數如之

明會典

命婦冠一品花釵九樹二品八樹三品七樹四品六

樹五品五樹六品四樹七品三樹

明史

始皇時婦人鳳釵以金銀爲鳳頭玳瑁爲脚

古今注

漢武帝宮人貫髻以鳳頭釵璠瑁爲之

粧臺記

晏幾道詞碾玉釵頭雙鳳小

小山詞

同昌公主有九玉釵上刻九鸞皆九色上有字曰玉
兒工巧妙麗殆非人工所製有金陵得者以獻公主
酬之百萬一日晝寢夢縫衣女奴授語云爲齊潘淑
妃取九鸞釵洎主薨而釵亦不知其處玉兒潘妃小
字也

杜陽雜編

蟠龍釵梁冀婦所製

崔豹古今注

大歷中日林國獻龍角釵釵額玉而紺色上刻蛟龍
之形精巧奇麗非人所製上因賜獨孤妃與上同游

龍池有紫雲自釵上而生俄頃滿於舟楫上命置之

掌內以水噴之遂化爲二龍騰空而去

杜陽雜編

曹植美女篇頭上金爵釵爵釵者釵頭施爵

觀粧錄

婦人三品以上得服爵釵

晉令

鄭夫人拜右婕妤按儀注應服雀釵桂襪

晉起居注

元帝將拜貴人有司請市雀釵帝以煩費不許

晉書

俞安期昭涼變詞銜珠金爵釵

琴瑟集

招靈閣有神女留一玉釵帝以賜趙婕妤元鳳中此

釵光瑩甚異宮人謀欲碎之視釵匣惟見白燕升天

宮人因作玉燕釵

洞冥記

李郢詩薄雪燕翥紫燕釵釵垂簾簾抱香懷

唐詩鏡

清陽大龜其緣可作釵世號靈釵

華陽國志

尋陽叅軍夢一婦人言葬處近水淪沒望見救叅軍

曰何以爲誌婦人曰君見渚邊有魚釵卽我也明日

覓之果見毀墳其上有釵乃移置高燥處

幽明錄

朱彛尊詠釵詞小鳳垂珠小魚銜玉

茶煙問體物集

隋煬帝宮人插細頭釵子

中華古今注

趙飛燕爲皇后其女弟上祗有同心七寶釵

西京雜記

憑虛子贈婦書曰合服同心釵

玉堂清照

秦穆公以象牙爲女釵

中華古今注

楊道思夫婦相愛婦梳頭道思戲以銀釵著戶閣頭

大索乃出

幽明錄

李瑁適事在都其婦過徐君廟乞恩拔銀釵爲願尋

得釵跳婦前剖腹得所願釵夫事尋解

異苑

女奴不得服銀釵

晉令

姍姍黃夫人侍兒也數歲戲於庭適夫人勅銀工製

釵曰如一封書式姍姍應聲曰一封書到便與師夫

人爲之發祭

艾菴存稿

苗女銀釵垂耳

滇行紀程

東晉時童謠言織女死婦女皆插白骨釵子爲織女

作孝

中華古今注

梁鴻妻荆釵

列女傳

唐氏年百三十歲里人有以釵簪易其荆釵珍藏以爲壽兆者

廣西通志

楛可採爲釵故上黨調問婦人欲買楛不曰竈下自有土問買釵不曰山中自有楛

詩草木鳥獸蟲魚疏

夔州婦人人日于八陣磧上拾小石之可穿者貫以

綵索係于釵頭以爲一歲之祥

圖經

美女篇頭帶合歡釵

古詩鏡

王融詩桂釵當自陳

王寧朔集

溫庭筠詩蘭釵委墜垂雲髮

溫飛卿集

王建詩貧女銅釵惜於玉

王司馬集

韓偓詩水精鸚鵡釵頭頭舉袂伴羞忍笑時

韓內翰外集

張先詞衣上交枝鬪色釵頭比翼相雙

安陸集

張元幹詞翡翠釵兒綴玉蟲

蘆川詞

樓槃詞釵頭綴玉蟲

絕妙好詞

溫庭筠詞翠釵金作股釵上蝶雙舞

金荃集

王彥泓詩一生長羨金泥蝶頭向釵邊與鏡邊

疑雨集

彭孫通詩天街墜却金釵股可惜釵頭鞦韆紅

金粟閣詞

曹溶宋詞綴玉百子釵

靜揚堂集

朱昆田詩小股平分九子釵

笛漁小稿

佛氏以隔牆聞釵釧聲爲破戒

乙卯避暑錄

王達妻衛氏爲鮮卑所掠留書并釵釧訪其家

晉記

師子國獻玉像東昏侯毀像爲潘妃作釵釧

齊春秋

行都人家妻女皆敝衣洗足而帶金銀釵釧夜則賃

被其俗薄如此

白獺髓

賴氏女及笄將歸羅生而羅卒女告父母請反其所

聘釵釧以助其喪已而自經死

寧都先賢傳

薛氏蘓臺竹枝詞約伴燒香寺中去自將釵釧施山

僧

本事詩

魏明帝時昆明國獻嗽金鳥常吐金屑如粟宮人爭

以金爲釵珥謂之辟寒金宮人相嘲弄曰不服辟寒

金那得帝王心不服辟寒綳那得帝王憐

百陽雜俎

天后時女國貢玉釵瓊盃盤

明皇雜錄

文安后爲太子妃無寵太子爲宮人製新麗衣裳首

飾而后惟舊釵銖十餘枚釵小釵也

蕭子顯齊書

王粲七釋戴明中之羽雀雜華銖之歲粧

王侍中集

孔燁七引紫銖承鬢而聘輝

藝文類聚

女蝸爲簪以貫髮此簪之始也

事物紀原

舜時婦人象牙簪

二儀寶錄

孔子游少原之野有婦人中澤而哭孔子使弟子問焉婦人曰向者刈著薪亡我簪是以哀弟子曰亡簪有何悲焉婦人曰非傷亡簪也不忘故也

韓詩外傳

公卿列侯中二千石夫人紺繒幘黃金龍首銜白珠魚須長尺爲簪

漢輿服志

檀夫人拔簪插於籬下次年生筍

夷堅志

康陵南征與劉良女有約期以中途召之劉氏贈一簪以爲信過盧溝橋馳馬失之大索數日不得至臨清使使召劉劉以不見簪不往上乃乘單舸疾歸至

張家灣與劉俱載而南

冠幸考

武宗實錄曰劉氏晉王樂妓武宗悅之載歸

苗婦人髻簪盈尺

尚路織志

劉禎賦插曜日之簪

劉公幹集

桀媚妹喜於膝上以金簪貫玉螭腹爲戲弄

洞冥記

魏文帝陳巧笑挽髻別無首飾惟用四頂金簪一隻插之文帝目曰元雲黠黠兮金星出

女紅餘志

趙文韶在青溪步月忽有女郎至留連晏寢將旦別去以金簪遺文韶文韶亦贈以銀盃及瑠璃七明日於青溪廟中得之乃知昨所見青溪神女也

續齊諧記

皇后皇太子妃常服皆金簪一對

明會典

徐富九道上見一蚯蚓甚長色如血忽有一婦人拾

之間而知其金簪也富九嘆曰精金變幻如此見而
不我得而歸於婦人我時去矣

烏衣佳話

朱葵尊風懷詩解挑金了鳥

縣書亭集

季女贈賢夫以白玉不落之簪製極精巧當世希觀

之物

嫗嬛記

女子吳淑姬未嫁夫亡未亡時長與醜面玉簪墜地
而折已而夫亡其父以其少年欲嫁之誓曰玉簪重
合則嫁居久之見士子楊子治詩諷而悅之使侍兒
用計覓得一卷欲與之合啟查視之簪已合矣遂以

寄子治結爲夫婦焉

誠齋雜記

趙孟頫所收白玉方頂女簪一枝其玉白瑩絕品也
此必文真后妃故物

雲煙過眼錄

沈約女綰髮以瑪瑙簪長五六寸

耳談

漢饒歌雙珠璚瑁簪

古樂府

咸淳五年詔禁珠翠宮中簪琉璃花都下人爭效之
時有詩云京城禁珠翠天下盡琉璃識者以爲流離
之兆

朱季三朝政要

辟塵犀爲婦人簪梳塵埃不着髮

嶺表錄異記

舊院盛時競尚密犀簪

白門集

命婦首飾一品金簪五品鍍金銀簪六品銀簪八品

銀間鍍金簪

明會典

德清女子沈回奴際元末兵亂匿蘆港中賊獲之求
合從容曰我閨女也必擇日乃可賊信之攜至營是
夜拔頭上銀簪刺喉死

靜志居詩話

陳靈有銀簪詞爲德清女子作

水南集

有楊姓者見婦人過墜一銀簪於街上鏗然一聲伺
其去遠而視之乃蚯蚓耳俄爲一女子拾去依然簪
也

見聞紀訓

漢陽公主嘗用鐵簪畫壁自記田租出入

山堂肆考

吳越王妃孫太真嘗以一物施龍興寺形如朽木筋

僧不以爲珍偶出示船上波斯人口此日本國龍蓋
簪也增價至萬二千緡易去 吳越備史遺事

李賀詩髮冷青蟲簪

昌谷集

琉球女子不剃胎髮嫁後將頂髮削去惟留四餘挽
一髻於額傍簪小如意如意亦分貴賤品級 使琉球紀

蔡伸詞碾花如意枕冠輕

女古詞

簪頭取象於物如龍頭鳳頭如意頭蘭花頭之類但
宜與髮相依附不得昂首作跳躍之形 閒情偶寄

元康中婦人以金銀犀角珊瑚之屬爲斧鉞戈戟以

當簪

朱書五行志

元康末婦人戴五兵簪

兼名苑

五兵簪至今有之

玉臺清照

太公以元鉞斬妲己故婦人以爲戒

中華古今注

近時婦女首飾有撥根簪

堯峰文鈔

了事空耳也婦女以銀爲之號爬耳簪

琴上言注

繆俊明往外見桑林中一絕色少女向地若有所覓
生問之女云失金空耳簪生爲覓得之女笑謂生日
與郎有緣願卽以是簪贈遂攜生手入其家合鏡焉
自此生每夜一往其父遣僕潛尾生後見入一坟林
中隨訪坟隣云此前村郭家有女名月英未嫁而歿

新墻卽所厝也

蜩螗語

料簪貧家所用或如意頭或蘭花頭

珮環餘韻

灣甸州婦人以象牙作筒貫於髻

郡志

牛罵番婦頭貫骨簪

番境補遺

箭桿猺女簪竹箭二根長二尺許覆以錦穿林入莽

頻側其首翩翩若蝶

廣西通志

王懌段七孃詩云石竹簪芳髻

本事詩

燕尾搖女以豪猪鬃爲簪

廣西通志

費昶詩日照茱萸傾風搖翡翠簪

古詩境

彭孫通詩秦珠百琲解頭簪

金粟閣詞

皇太后簪以璚瑁爲璲長一尺其璲有等級

漢輿服志

周宣王嘗卧而晏起姜后脫簪珥待罪於永巷使其傅母通言於王王曰非夫人之過也

列女傳

吳敗楚師迎故太子建母於鄭鄭君送建母珠玉簪珥欲以解殺建之故

吳越春秋

上從館陶公主飲上曰願謁主人翁主乃下殿去簪珥徒跣頓首謝自引董君隨主前伏殿下

漢書

涼安徐寡婦悉簪珥之屬得銀二十兩畀老僕阿寄販漆十年而寡婦財雄一邑

阿寄傳

劉太后侍者見仁宗左右簪珥珍麗欲效之太后曰

彼皇帝嬪御飾也汝安得學

朱史

詩妓齊景雲與傅春定情春坐事繫獄景雲爲脫簪
珥以供棗值春謫遠戍景雲欲從行不得賦別云一
呷春醪萬里情斷腸芳草斷腸鶯願將雙淚彈爲雨
明日留君不出城春去後雲以想念沒

青泥蓮花記

樂清李應官之妻吳氏避亂過芙蓉江被掠欲自沉
乃探簪珥散擲兵爭攫之遂躍入水死

台蕩遊草

紂作金鈿

物原

建和元年納后后八雀九華十二鏡

漢雜事秘辛

皇太子納妃有同心雀鈿一具函盛

東宮舊事

太和五年上邽鎮將於水中得玉車鈿三枚二青一

赤制狀甚精

魏書

貴人太平髻七鎖公主夫人五鎖世婦三鎖

晉書輿服志

內外命婦釵飾寶鈿花釵

唐書

元宗幸華清楊妃與三姨皆從遺鈿墜易瑟瑟璣琲

狼籍於道香聞數十里

項氏六帖

金城多美妓賀蘭劍遇晏飲則奪妓鈿退以記

金城記

段何卧病二青衣一雲髻一半髻皆絕色以紅綾題

詩而去詩云樂廣清羸經幾年妊娠相托不論錢輕

盈妙質歸何處惆悵碧樓紅玉鈿

補侍兒小名錄

李聽姬紫雲有金花寶粟之鈿

女紅餘志

貴妃首飾用花釵金鈿

宋會要

皇后禮服有珠寶鈿花十二翠鈿如其數常服有金寶鈿花九飾以珠金鳳二口銜珠結金寶鈿二十四邊垂珠滴皇太子妃禮服珠寶鈿花九翠鈿如其數常服金寶鈿花九上飾珠金鳳一口銜珠結金寶鈿十八邊垂珠滴

明史

襄陽出玉石碧色謂之碧鈿婦女取以飾首飾

襄陽志

螺鈿婦人首飾用翡翠丹粉爲之

正字通

徐陵玉臺新詠序反插金鈿橫抽寶樹

徐僕射集

盧承邱題花鈿云黛烟濃處貼鉛華
芙蓉集

紂作翠翹 物原

周時宮人高髻上有翡翠翹 炙穀子

周文王於髻上加珠翠翹花 靚粧錄

隋文帝宮人插翠翹 粧臺記

許州嚴氏女曰阿珊端麗妍瑩年十五矣時清明節
嚴公令盡室登陘山山有鄭大王祠乃令女於祠內
縱觀日晚方歸旋風忽起阿珊仆地色變不能言髮
上失雙金翹乃扶持而歸召巫者視之譯神言曰我
鄭大王也今聘爾女爲子婦其家至祠祈之得金翹

於神坐上明日阿珊殞

三水小廋

蜀妓女有花翹之飾名曰翹兒花

詞品

後唐莊宗詞笑迎移步小蘭叢彈金翹玉鳳

北夢瑣言

汴梁宮詞云翠翹珠挂背

楊煥作故官記

楊維禎西湖竹枝詞記得解儂金絡索繫郎腰下玉
連環

楊基寒食美人圖云照水再簪珠絡索

眉菴集

張元幹詞翠穿珠絡索

蘆川詞

紉作步搖

物原

步搖者上有垂珠步則搖也

釋名

周文王作雲髻步步而搖故曰步搖觀粧錄

人謂步搖爲女髻非也蓋以銀絲宛轉屈曲作花枝插髻後隨步輒搖以增媚妍故曰步搖採蘭雜志

皇后謁廟步搖以黃金爲山題貫白珠爲桂枝相纏一爵九華熊虎赤熊天鹿辟邪南山豐大特六獸詩所謂副笄六珈者諸爵獸皆翡翠爲毛羽金題白珠璫統以翡翠爲華續漢書輿服志

和熹鄧后賜馮貴人步搖環珮各一具後漢書

建和元年納后后假髻步搖漢雜事秘辛

靈帝葬馬貴人贈步搖赤綴青羽蓋駟馬山陵雜記

孫皓使尚方以金作華燧步搖假髻以千數令宮人

着以相撲朝成夕敗輒命更作

江表傳

漢魏故事皇后親蠶著十二笄步搖

初學記

慕容氏莫護跋始建國於棘城之北時燕之后妃多冠步搖冠莫護覓見而好之乃斂髮襲冠諸部因呼之爲步搖其後音訛遂爲慕容焉

前燕錄

皇太子結妃有步搖一具九鈿函盛之

東宮舊事

范靜妻沈滿願富才情詠步搖花詩云珠花紫翡翠寶葉間金瓊剪荷不似製爲花自如生低枝拂衣領微步動瑤英但令雲髻插蛾眉本易成

南北朝詩話

開元中婦見舅姑戴步搖插翠釵

事物紀原

天寶初貴族婦人皆簪步搖釵

事文玉屑

殷后服盤龍步搖

中華古今注

趙飛燕爲皇后其女弟上襃有黃金步搖

西京雜記

明皇以紫磨金琢成步搖親爲貴妃插鬢

太真外傳

拂林國婦人皆戴金花步搖綴以木難青珠

番國志

周文矩有金步搖士女圖有玉步搖士女圖

宣和畫譜

和凝詞鳳凰雙颺步搖金

紅葉稿

謝逸詞攏鬢步搖青玉碾

溪堂詞

皇后步搖謂之珠松

隋書禮儀志

婦人珠弔子曰步搖 書忽指南

永嘉民有弟質珠步搖于兄者贖焉兄妻愛之給以
亡於盜 元史

宋玉風賦主人之女垂珠步搖 古文苑

漢武帝宮人貫髻以孔雀搔頭瑇瑁爲之 世臺記

武帝過李夫人就取玉簪搔頭自後宮人搔頭皆用

玉玉價倍貴焉 西京雜記 杜詩發微玉搔頭今之
抓頭也

隋文帝宮人插桃葉搔頭 世臺記

趙綸妻死遺雪竹搔頭於堦下不數日化爲楊梅花
朶如撒時人異之 姑蘇前後記

繁欽定情詩何以結相於金薄畫搔頭 玉臺新詠

王建宮詞蜂鬢蝶翅薄鬆鬆浮動搔頭似有風 王司馬集

朱鼎之詞窺人伴整玉搔頭 草堂詩餘

睿宗先天二年元夜張燈簡長安年少婦女千餘人

衣冠花釵媚子於燈下踏歌 朝野僉載

庾信賦懸媚子於搔頭 庾子山集

淳化中京師婦裝飾魚鰓中骨號魚媚子 宋史五行志

近時婦女首飾有金掠髮 堯暉文鈔

貴妃施二博鬢 宋會要

洪武三年定皇后冠服兩博鬢十二鈿皇妃九鈿永

樂三年定皇后冠服三博髮飾以金龍翠雲皆垂珠
滴翠口圈一副上飾珠寶

明會典

命婦兩博髮一品九鈿二品八鈿三品七鈿四品六
鈿五品五鈿六品四鈿七品三鈿

明史

婦人兩博髮卽今之掩髮

奚囊手鏡

戴君恩過含山見二美人一衣黃一衣素笑迎於前
曰郎君才人也請垂一顧可乎君恩從之歷重門登
崇堦乃至中堂叙禮延坐羅以佳果飲以醇醪情意
頗濃君恩觀四壁間挂黃白菊二幅顧謂美人曰壁
間畫菊甚工各吟短律何如於是黃衣美人吟黃菊

詩白衣美人吟白菊詩君恩和之是夕二美人與君
恩共薦枕席翌日辭歸黃衣美人出金掩鬢以贈別
白衣美人出銀掩鬢以贈別僉曰好賞二物聊見此
衷乞覩物思人不忘妾於旦暮也含淚而別君恩歸
後時切眷注再訪之則不知所在急取金銀掩鬢視
之皆菊之黃白辨也

花史

命婦常服一品有金壓鬢雙頭釵八九品有銀間髮

金壓鬢雙頭釵

明會典

蜀中女子未嫁者率爲同心髻高二尺插銀釵至六
隻後插大象牙梳如手大

入蜀記

龐行婆入鹿門寺設齋維那請意旨婆拈梳子插向
髻後曰回問了也便出去 五燈會元

唐方坐法死妻丁氏名錦孥沒爲官婢監護者見丁
色美借髻上梳掠髮丁以梳擲地其人取掠之持還
丁丁罵不受肩輿過陰澤躍出赴水 明史

彭氏築菴山中命僕守之暮有女子自稱小水人徑
入臥室僕固拒之女尋登僕榻僕懼取佛經執之女
笑云經從佛出佛豈在經耶天將旦僕起擊菴鐘女
取髻上牙梳掠鬢走入松林不見 靜志居詩話

梳搔女戴梳於頂狀如扇面 廣西通志

蠻女髻上紮大梳或銀或木或牙

蠻書

蠻俗婦人髻縮木梳

廣西通志

陽洞羅漢苗婦人髮鬢散縮額前插木梳

尚書織志

高允詩頭作墜馬髻倒插象牙梳

高令公集

王建宮詞空戴紅梳不作粧

王司馬集

秦少章詞斜插犀梳雲半吐

雲齋廣錄

漢書有比疏注以爲辮髮之飾則今女子首飾所著

金翠珍異之梳耳

因話錄

太僕書張貞女死事中有金梳字金梳恐非櫛具或

是首飾

鈍翁類彙

崇禎五年皇后千秋宮女粧飾皆有珠鬢梳

春明夢餘錄

命婦首飾一品有珠翠梳五品有小珠簾梳六品有

珠緣翠簾梳

明會典

命婦首飾禮服有珠簾梭常服有小珠翠梭

明史

命婦首飾一品有金腦梳八品九品有銀間鍍金腦

梳

明會典

鏡釵也掠器坡詩佳人搖翠鏡

韻學事類

木西瑛與妻對飯妻以小金鏡刺鬢肉將入口門外
有客至西瑛出肅客妻不及啖且置器中起去治茶
比回無覓金鏡處時一小婢在側執作意其竊取拷

問萬端終無認辭竟至損命歲餘召匠者整屋掃瓦
甃積垢忽一物落石上有聲取視之乃向所失金螳
也與朽骨一塊同墜原其所以必是貓來偷肉故帶
而去婢偶不及見耳

輟耕錄

李耀卿一日與家人飲酒妻以所插金篋搗肉而食
偶有客至耀卿出迎客妻速入厨具茶飲客去尋向
之金篋無有也疑爲一女奴所盜杖之偶致死久之
家人與里巷會茶中有一老婦人者插金篋熟視之
乃向之所失物也詢之是買於一丐者及問丐者之
所來云於某家整屋瓦合漏中得之蓋是時有肉在

篔上爲狸奴行去墜於彼也

農田餘話

溫庭筠詞小鳳戰篔金殿艷又戰篔金鳳斜

全荃集

李珣詩倚屏無語撚雲篔

瓊瑤集

葉濛詩方鬢明璫插鳳篔

桐餘集

皇后首飾有黃金鑷

續漢書輿服志

袁術姬馮方女有千金寶鑷插之增媚

女紅餘志

嘉定朱松齡刻竹爲女簪後人以金銀倣其制卽名

朱松齡

練川竹枝詞注 江南通志誤作吳縣人

西王母戴華勝

西王母傳

花勝草花也言人形容正等著之則勝

釋名

勝婦人首飾也

漢書注

皇后入廟戴花勝

續漢書輿服志

華勝像瑞圖金勝之形又像西王母戴勝也

李夫人典戒

賈充妻李夫人造花勝名瑞綵圖

事原

華勝起自晉代賈充妻李夫人

歲華紀麗

西荒母戴金勝

神異經勝

按神契曰百珍寶中有金

劉皇后母桓氏夢吞玉勝而生后

蕭子顯齊書

江淮南北五日釵頭綵勝之製備極奇巧凡以繒綃剪製艾葉或攢繡仙佛禽鳥蟲魚百獸之形入寶翠花之類縐紗蜘蛛綺縠麟鳳鸞虎絨蛇通草蜥蜴

椰蟬蜩葫蘆瓜菓色色逼真加以旛旛寶蓋繡毬繁
纓鐘鈴或貫爲串名曰豆娘不可勝紀

唐宋遺紀

寧獻王宮詞綵勝雙雙鬪鳳釵薄羅金縷燕花牌

晏幾道詞釵頭羅勝寫宜冬

小山詞

賀鑄詞巧剪合歡羅勝子釵頭春意翩翩

東山禽聲樂府

釵綵婦人頭花髻飾也

玉篇

杜甫麗人行頭上何所有翠微釵葉垂鬢唇注翠微

釵葉言翡翠爲釵綵之葉也鬢唇鬢邊也

杜詩詳註

皇太子納妃有鬢花六五支登花二五支團樹花十

株 東宮舊事

弋陽陳秀才元夕觀燈於市有人家女子年十三四
歲坐僕肩右墜髻花一枝正落陳巾上陳甚喜攜歸
示妻妻愀然不樂曰我死不久矣後竟卒陳別娶復
因燈夕游觀戲舉前事蓋墜花者也

夷堅志

元宵大白蝶花婦女無貴賤悉戴之

晏殊類要

禾中女子有以織蛤簇蝶綴鬢花者

醫書亭集

費昶詩鬢插九枝花

古詩鏡

孟珠歌龍頭銜九花玉釵明月璫

錄古集

王元之詩幾多紅袖迎門笑爭乞釵頭利市花

漁隱叢話

徐參政贈建寧妓唐玉詩上國新行巧樣花一枝聊

插鬢雲斜

豹隱苑紀

宋徽宗宮詞頭上宮花粧翡翠寶蟬珍蝶勢如飛

張先詞舞徹梁州頭上宮花顛未休

安陸集

濟王夫人吳氏恭聖太后之姪孫也姓極妬忌王有寵姬數人殊不能容每入禁中必訴之楊后具言王之短一日內晏后以水精雙蓮花一枝命王親爲夫人簪之且戒其夫婦和睦未幾王與吳復有小競王乘怒誤碎其花及吳再入禁中遂譖曰碎花之事於是后意甚怒有廢儲之心

癸辛雜識

吐谷渾王妻戴金花

唐書

宋元祐太后爲金人所追至曲江投金花祈風改名

金花潭 香祖筆記

錢糧有曰金花銀者所以供后妃金花及宮人賞費

崇禎遺事

淳熙五年上邀兩殿賞牡丹隨駕宮人內官並賜兩

面翠葉滴金牡丹一枝 乾淳起居注

周光祿諸妓月終人賞金鳳凰一雙 傳芳畧記

命婦首飾一品有金雲頭連五品銀鍍金雲頭連六

品銀雲頭連八品九品銀間鍍金雲頭連 明會典

秦始皇令三妃九嬪插五色通草蕪朶子晉時令宮

人插五色花朵子隋煬帝於江都宮水晶殿令宮人
插瑟瑟細朶皆垂珠翠

中華古今注

王岐公在翰苑時中秋賜酒小殿上令官嬪各取領
巾裙帶或團扇手帕求詩悉以進呈上曰須與學士
潤筆遂各取頭上珠花一朵裝公幘頭簪不盡者置
公服袖中宮人旋取針線縫聯袖口月將西沉命撤
金蓮燭令內侍扶掖歸

錢氏私誌

皇后謁家廟後散付親屬物件有翠花

武林舊事

庶人婦首飾用翠花金釵篔各一事

元史

皇后禮冠有大珠花十二樹小珠花數如之常服之

冠前後珠牡丹二花二葉翠葉三十六皇太子妃禮
冠有大珠花九樹小珠花數如之常服之冠前後珠
牡丹二花八葉翠葉三十六

明史輿服志

皇后皇太子妃俱有珠翠釵花鬢二皇妃冠有翠牡
丹花釵花各二

明會典

命婦首飾一品特髻上珠翠花四朶珠翠雲喜花三
朶常服鬢邊珠翠花三朶五品特髻上小珠鋪翠雲
喜花三朶常服鬢邊小珠花二朶六品特髻上小珠
翠花四朶

明會典

命婦首飾後鬢珠梭毬

明會典

利州有金蟲婦女取作釵環之飾 宋祈蓋部記

吳均詩蓮花銜青雀寶粟鈿金蟲李賀詩坡陀簪碧
鳳腰裊帶金蟲或曰金蟲簪飾也 李義山詩注

穆宗時宮中種千葉牡丹花開每夜有黃白蛺蝶萬
數飛集花間輝光照耀達曉方去官人競以羅巾撲
之無有獲者上令張羅於空中遂得數百於殿內縱
嬪御追捉以爲娛樂延明視之則皆金玉也其狀工
巧無比內人爭用絳縷縷其脚以爲首飾夜則光起
粧奩中其後開寶厨視金錢玉屑之內有蠕蠕者有
爲蝶者官人方覺焉 杜陽雜編

黃金蟬首飾也

李義山詩集箋注

陳允平香奩詩鬢澁金蟬

西麓詩稿

都人士女作宜男蟬爲上元插帶吉兆

天中記

王建宮詞玉蟬金雀三層插

王司馬集

朱敦儒詞翠蟬金雀別後新梳掠

樵歌

後唐宮人或網獲蜻蜓愛其翠薄遂以描金筆塗翅
作小折枝花子金線籠貯養之爾後上元賣者皆取
象爲之售於游女謂之塗金折枝蜻蜓

清異錄

張泌詞綠雲高髻金簇小蜻蜓

花間集

申天師進紅梔子花蜀主愛重之令宮人以絨索緝

毛做作首飾仍謂之紅梔子花

野人閒話

新野君剪花爲業刷絨爲海棠染絹爲芙蓉捻蠟爲

菱藕賣供婦女插戴

堯山堂外記

絨絹花白門所製最精雅

修潔齋問筆

呂后制五采通草花

物原

晉惠帝令宮人剪五色通草花插髻

二儀寶錄

後周宮人供奉者插通草朶子

中華古今注

宮中凡令節宮人以插帶相餉偶田貴妃宮婢戴新
樣花他宮皆無有中宮宮婢向上叩頭乞賜上使中
官出採辦不能得上以問妃妃曰此象生花出嘉興

有吳吏部家人攜來京而妾買之上不悅

彤史拾遺記

吳門所製通草花窮精極巧

閒情偶寄

立春日剪綵爲小幡綴於首飾曰春幡

後漢志

立春民間婦女各以春幡春勝鏤金簇綵爲燕蝶之

屬間遺親戚綴之釵頭

熙朝樂事

荆楚歲時記云立春日悉剪綵爲燕子以戴之故歐

陽永叔詩云不驚樹裏禽初度共喜釵頭燕已來鄭

毅夫詩云漢殿鬪簪雙綵燕併知春色上釵頭皆立

春日帖子詩也

茗溪漁隱叢話

端午以綵線繪篆符相問遺卽綴釵端

續漢書注

端午賜后妃諸閣真珠百索釵符

乾淳歲時記

高啟咏釵符云從今能鎮膽不怯睡空房

尚鳴集

端午以艾爲虎形至有如黑豆大者或剪綵爲小虎

粘艾葉以戴之

全門記

王沂公詩云釵頭艾虎辟羣邪

合璧事類

陳維崧重五詞虎釵新破繭兒黃

烏絲詞

朱昆田詩燕釵新綴小於菟五色綵纏八角符

又田婦詩自從四月收蠶後頭上惟簪繭子花

笛漁小稿

洛陽婦女端午以花綵樓閣插髮

全門歲節

段成式詩詐嫌嚼具磨衣鈍私帶男錢壓髮低

海錄雜事

插花

庾信鏡賦量鬢髮之長短度安花之相去注言美女對鏡插花量度其鬢髮之長短也 庾子山集箋注

杜后將崩三吳女子相簪白花望之如素奈傳言天公織女死爲之著服 晉書

秋水南唐後主宮人也喜簪異花芳香拂鬢常有蝶遶其上撲之不去 十國春秋

紹聞聞郡獄有誣孝婦殺姑婦不能自明屬行刑者取髻上花插於石罅曰生則可以驗吾寃行刑者如其言後果蔚茂成林 宋志

吳士召覘仙署曰黃花女兒問其氏族曰金閻王氏
生時與黃生歡好一生愛插黃花人呼黃花女兒問
卿是天逝耶曰年十五而殞問黃生安在曰相繼亡
矣今與同寢處若人間伉儷也衆乞詩遂題數語云
忘不了對攏雙袖忘不了佳期月下偷忘不了柳遮
花映黃昏後忘不了羅帳綉繆忘不了紗牕風雨清
明候忘不了多病心情懶下樓

經鋤堂雜志

五月朔日至旬杪女兒艷服帶花滿頭

北京歲華記

康熙間蘇州名妓張憶娘色藝冠時蔣繡谷爲寫簪
花圖戴烏紗髻着天青羅裙眉目秀媚以左手簪花

而笑

隨園詩話

張憶娘簪花圖一時名士題詠幾遍

別裁集

楊維禎西湖竹枝詞滿頭都插鬧粧花

晏幾道詞粉圓雙蕊髻中開

小山詞

王彥泓詩梅蕊膽餅看漸減每朝分插到釵叢

疑雨集

晏幾道詞嬌蟬鬢畔插一枝淡蕊疎梅

小山詞

素心蠟梅插鬢最宜

珮環餘韻

阮文姬插鬢用杏花陶溥公呼曰二花

河東傳錄

趙忭見一營妓首插杏花戲之曰髻上杏花真有幸

妓應聲曰枝頭梅子豈無媒

蓮龍拾英集

柳永詠海棠詞插在釵頭和鳳頭

樂章集

御苑有千葉桃花帝親折一枝插於妃子寶冠上曰
此花尤能助嬌態也

同元天寶遺事

明桃花女子美人插花詩梳成鬆髻出簾遲折得桃
花三兩枝欲插上頭還住手偏從人間可相宜

愚書

李宜綠髻

永平舊集

楊基詞鬪草亭邊自拘梨花戴

石菴集

曾子固詩記得集英深殿裏舞人齊插玉籠鬆玉籠

鬆亦作玉瓏鬪一名睡梅

風月堂雜識

南越女子茉莉花開以綵絲穿花心爲首飾梁張隱

詩細花穿弱縷盤向綠雲鬟

花塵

未利花一名髮華

金光明經

晉書都人簪柰花爲織女帶孝卽茉莉花也

丹鉛總錄

茉莉初出之時其價甚穹婦人簇帶多至七插所值數十券不過供一餉之娛耳

乾淳歲時記

羣屐少年油頭半臂至日亭午則提籃挈榼高聲唱賣茉莉花嬌婢捲簾攤錢爭買頃之烏雲堆雪竟體芳香矣蓋此花苞於日中開於枕上真媚夜之淫葩殢人之妖草也

板橋雜記

姚綬題折花仕女云愛濯薔薇露凌晨試折來低鬟

猶未插含笑傍妝臺

郁氏書畫題跋記

南漢宮人素馨以殊色進性喜插白花遂名其花曰

素馨花

劉氏興亡錄

南中百花惟素馨香特酷烈彼中女子以綵絲穿花
心繞髻爲飾

南中行記

素馨花藤本叢生花白如粟舊產花田今移海幢寺

南地名沙園村鬻花人先一夜摘其蓓蕾貫以竹絲

傍晚入城鬻於市閨閣晚粧用以圍髻花在髻上始

盛開芳香竟夜

皇華紀聞
醒銀絲問過

漁洋集夜半髮香人夢
素馨花

玉簪花狀似玉簪插入婦人髻中孰真孰假幾不能

辨乃閨閣中必需之物

閒情偶寄

玫瑰花之最香者也而色太絕止宜壓在髻下暗受

其香勿使花形全露全露則類村粧

一家言

酒肆女詩鳳釵斜亞瑞香枝

詩話類編

錦帶花亦名鬢邊嬌

成都古今記

蘭花婦人戴之髻香聞甚遠

翠芳譜

觀堂主可供婦女時粧

金漳蘭譜

閩素足女多簪金枝蘭煙鬟掩映衆蕊爭芳鬢

鳴金莖振媚繼在京師見唐人美人圖亦簪全枝蘭

乃知閩女正堪入畫

閩小紀

珠蘭插鬢妙於茉莉

閒情偶寄

朱葵尊詞了蘭斜插暈粧新

江湖載酒集

蜀中有花名賽蘭香花如金粟香特馥烈戴之髮髻
香聞十步經月不散

升菴外集

張鎡以牡丹宴客有名姬數十首插牡丹衣領皆繡
如其色歌昔人所作牡丹詞進酌而退

女世說

五日家家妍飾小閨女簪以榴花曰女兒節

帝京景物略

楊后宮詞一朵榴花插鬢鴉

詩詞雜俎

郭登西屯女示西屯女兒年十八六幅紅裙脚不襪
面上脂鉛隨手抹百合山丹滿頭插

聯珠集

沈端節詞手香記得人簪菊

克齋詞

寧獻王宮詞玉蘭干外木犀開應是西風昨夜來宮
女不知清露重折花偷插鳳凰釵

明詩珠玉

七里香窠髮中從而益香

廣羣芳譜

滄浪洲有金莖花其花如蝶每微風至則搖蕩如飛
婦人競採之以爲首飾且有語曰不戴金莖花不得

在仙家

杜陽雜編

夾竹桃配白茉莉婦人簪髻妖嬈可抱

六街花事

張景曲金蓮處處有花開斜插雲鬟笑滿腮

可開老
人集

塞外有長十八紫色萼蕾元廼賢塞上曲云雙鬢小

女玉娟娟自捲瓊簾出帳前忽見一枝長十八折來

簪在帽簷邊注云長十八草名

松亭行記

林投花時番婦皆摘以插髻

諸羅志

元好問題美人圖云斜插一枝蕩草鳳釵頭

道山集

王珪宮詞階前折得宜男草笑插黃金十二釵

王岐公集

吳文英詞艾枝應壓愁鬟亂

夢應丙稿

二月二日士女皆戴蓬葉諺云蓬開先日草帶了春

不老

熙朝樂事

三月三日士女皆戴薺花及柳葉

熙朝樂事

夏至婦女戴草麻葉長命菜卽馬齒莧也

蕪史

晏幾道詞旋尋雙葉插雲鬟

小山詞

立秋都城滿街叫賣楸葉婦女剪如花樣插於鬟邊

以應時序

夢梁錄

竹屋癡語有秋葉詞

晏殊詞折得櫻桃插髻紅

珠玉詞

韓偓荔枝詩翠釵先取一枝懸

翠芳譜

晁冲之詞笑拈雙杏子連枝戴

具茨集

脂粉流愛重醪醑盛開時置書冊中冬間取以插鬟

盞花腊耳

清異錄

查史卷六十九

東吳王初桐于陽簷述

橋李吳文溥澹川校刊

釵釧門二

耳環

耳珠曰璫 風俗通

璫婦人首飾也詩曰明璫間翠釵 女紅餘志

趙昭儀爲皇后其女弟在昭陽殿上襪三十五條內

有合歡圓璫 西京雜記

下太后性約儉不尚華麗太祖嘗得名璫數具命后

自選一具后取其中者太祖問其故對曰取其上者
爲貪取其下者爲僞故取其中者

魏書

袁博女於壞墻中得瑠珞百枚

吳錄

百工之妻不得服真珠璫

晉令

婦人旃檀寺求男者解密珠璫

僧園逸錄

崇禎中山東大荒流民成就食南都時書鋪廊下卧
一秀士傍有少婦耳垂銀璫端莊嫺雅見往來者輒
伸扇乞錢或問其從來曰吾山東巨族女嫁夫繼五
日卽相攜行乞到此今夫染病不起坐守待盡耳或
勸以何不別適人可得數十金調理夫愈則兩命俱

活矣婦曰與失節生寧守義死况夫病已深奈何徒
喪廉耻乎或更詰曰何不以銀瑄易米曰此夫家聘
物不忍棄也聞者咸嘆服競相施助驟得數金婦乃
購一棺藏於寺泐句夫斃乞貲倩工殮埋訖舉衣衾
與土塚未成而遽暈倒按之氣絕矣路人高其義共
負棺與夫同穴殯焉耳上銀瑄尚在殿前野乘

焦仲卿妻耳著明月瑄

玉壺集

曹植洛神賦獻江南之明瑄

陳思王集

傅元七謀珥南海之名瑄

傅豹賦集

王粲七釋垂照夜之明瑄

王侍中集

謝常詩吳姬如花白玉璫

桂軒集

紂有天知玉珥入火不銷

學史

齊威王夫人死有十孺子薛公爲十玉珥而美其一
獻於王以付十孺子明日視美珥所在乃勸王立以
爲夫人

韓子

戰國策作七孺子七珥

夢得珠珥得子也

夢書

趙飛燕爲皇后其女弟上迺合浦圓珠珥

西京雜記

杜季雅上已篇云窈窕淑女美勝艷如簪翡翠珥明

珠

詩林廣記

高啟詩珥懸襟珂珠

雋鳴集

南詔婦人耳綴珠貝瑟瑟虎魄等環

古

命婦耳環用珠玉庶人婦用金珠碧何銀

元典章

士庶妻耳環用金珠

明會典

洪尹仁妻張氏名靖真年十八而寡舅姑欲嫁之張
兩手執耳環曰舅姑聘我惟此物耳遂裂耳還之血
流滿衣自是無敢復言

汧梁縣志

苗婦人耳環盈寸

崑崙織志

皇后謁家廟後散付親屬物件有金環

武林舊事

懿節邢后所帶金耳環子上有雙飛小蝴蝶俗名關

高飛

北狩見聞錄

羅倫暮宿邸舍其家奉盥盤中有金環一隻羅僕取之明日早行僕言夜來盆中獲一耳環倫索而還之比至則其婦爲夫所逼欲捐生感慨不已

容膝居雜錄

賊犯武緣擄梁氏女子去且欲奪女耳金環女潛取置握中賊笑曰爾身已屬我何止環也女曰死卽死不從賊賊刃之數日面如生手執金環如故

廣西通志

王秀文幼許字項準後項氏家中落秀文母潛納朱宦之幣而以釵釧授秀文秀文驚問故涕泣不止念惟死可免遂摘金耳環嚙之腹痛七日昏絕者數矣王氏有老姊以奇藥至家人挾其背灌之金環得出

秀文復甦項乃親迎以歸

西堂雜俎

林清玉許字鍾廷楷病亡清玉痛哭竟往夫家拜
靈解金耳環吞之而絕

池北偶談

焚人婦人金環綴耳不一而足

外國竹枝詞注

一少年候舟飛雲渡見丫鬟女子徘徊悲戚若將赴
水少年亟止之問曰何爲輕生如此答曰我本人家
小婢主人有姻事暫借親眷珠子耳環一雙面鈔三
十餘定今日送還竟於中途失去寧死耳焉敢歸少
年曰我適拾得遂付之既而此婢遣嫁所居去渡咫
尺少年與同行二十八人將過渡道遇一婦人拜且

謝視之乃失環女也因告于夫屈留午飯餘人先登

舟俄風濤大作皆葬魚腹而少年獨免

輟耕錄

慈聖太后賜張江陵母珍珠環一雙

余山堂別集

皇后皇太子妃禮服皆珠排環皇妃禮服四珠環命

婦禮服珠梳環

明會典

宮人垂珠飾耳

春明夢餘錄

羅敷耳中明月珠

桑苎

胡姬耳後大秦珠

樂府詩集

繁欽定情詩何以致區區耳中雙明珠

玉臺新詠

趙孟頫所收有雙荔枝女環一對長三寸並脚通碾

皆白玉也甚精此必文真后妃故物

雲肩過服錄

皇妃常服梅花環命婦常服金脚珠翠佛面環銀脚

珠翠佛面環

明會典

江左呼婦人耳璫爲丁香

迦陵文集

飾耳之環愈小愈佳或珠一粒或金銀一點此家常
佩戴之物俗名丁香若配盛粧艷服不得不略大其
形但勿過丁香之一二倍

閒情偶寄

絡索環制之最不善者也時非元夕何須耳上懸燈
又飾以珠翠則是福建之珠燈丹陽之料絲燈矣其
爲燈也猶可厭况肖其形以爲耳環乎

閒情偶寄

明宮中小葫蘆耳墜乃真葫蘆結就者取其輕也內
監於葫蘆初有形時卽用金銀打成兩半邊小葫蘆
形將葫蘆夾住縛好不許長大俟其結老取其端正
者以珠翠飾之上奉嬪妃然百不得一二焉因其難
得所以貴也 在國雜志

阿比國婦人耳戴金廂寶環 瀛涯勝覽

土人女子耳戴大環垂玉肩 貴州通志

西藏婦女耳帶金銀鑲綠松石墜下連珍珠珊瑚串

長六七寸垂兩肩 衛藏圖識

大邦婦人耳戴大金圈 郡大記

巴塘番婦耳貫哪隴大圈繫紅珠于下復以線縛于
耳術藏圖識

蠻女耳帶大環環下間垂小珥廣西通志

南平獠婦人美髮髻垂於後竹筒三寸斜穿其耳貴
者飾以珠璫宋史

仡佬妻女以竹圓五寸長三寸裹錫穿之兩耳名筒
環漢蠻夷笑

奮史卷六十九